

古經天象考



古經天象考卷四

通州雷學淇

循斗

象 數 名 義 占 厓

象

虞書帝典曰在璿璣玉衡

後漢書天文志補注引星經曰璿璣謂北極星也玉衡謂

斗九星也史記天官書曰北斗七星所謂璿璣玉衡以齊七政

春秋文公十四年秋七月有星孛入於北斗公羊傳曰

其言入于北斗何北斗有中也

注云中者魁中北斗天之樞機玉衡七政所出

穀梁傳曰其曰入北斗斗有環域也

注云明斗規郭入其魁中也

論語爲政曰爲政以德譬如北辰居其所而衆星共之

小戴記曲禮曰招搖在上

注云招搖星在北斗杓端主指者疏云招搖者北斗第七

星淮南子曰孟春之月招搖指寅高誘注云招搖北斗第七星

鶚冠子曰日不踰辰月宿其列當名服事星守弗去

弦望晦朔終始相巡踰年累歲用不繆繆此天之所

柄以臨斗者也中參成伍四氣爲政前張後極左角

右鉞九文循理以省官衆小大畢舉

陸注云鉞西方之星也參伐一

名鉞

淮南子曰紫宮者太一之居也紫宮執斗而左旋日

行一度以周于天

史記曰杓攜龍角衡殷南斗魁枕參首

集解引晉灼曰衡斗之中

央薛綜東京賦注云玉衡北斗中星主迴轉按杓魁二句卽鶚冠子所云左角右鉞乃斗東西之象也

白虎通曰心者火之精上爲張星腎者水之精上爲
虛危脾者土之精上爲北斗主變化者也

參同契曰子南午北互爲綱紀

又曰循斗而招搖

兮執衡定元紀

唐書大衍曆議曰北斗自乾攜與爲
天綱按此三書所言卽躡冠子所

云前張後極乃玉衡南北之象也在乾
向與可知在午向子故曰子南午北

晉書曰辰極常居其所而北斗不與衆星西沒也

北斗七星在太微北七政之樞機陰陽之元本也故
運乎天中

淇按北辰居其所而不移太一之靜象也體也北
斗運于天而不息太一之動象也用也其在于易
北辰卽乾之元北斗卽乾之九于書則北辰是璿

玳北斗是玉衡璿玳卽旋機也其旋無象寄於玉
衡故北辰以北斗爲用莊子曰道在太極之先而
不爲高維斗得之終古不忒鷖冠子曰此天之所
柄以臨斗石氏星占曰北極星其一明大者太一
之光含元氣以斗布常淮南子曰紫宮執斗而左
旋皆是此義鄭康成所言太一行九宮法此其原
矣以人事言之北辰者君也北斗者相也公羊傳
謂天子三公一相二伯一相處乎內二伯分主諸
侯韓非子云三公法三光漢書律厯志謂三辰是
日月斗白虎通引詩傳謂甘棠破斧卽二伯出巡
巡職之詩此皆古義蓋二伯象日月相臣象北斗

輔星弼星三公星相星皆在斗之左右商之稱相
臣曰阿衡然則玉衡在天實公相之象矣觀國者
必觀君相之行觀天者必觀機衡之運故書曰在
璿璣玉衡也玉衡之象自北辰視之第一星起張
之九度第七星入角之十度所占之度共五十有
五合天地之數自北斗之中星視之則第一星枕
參宿之首第七星攜角宿之終衡亘者一百二十
二度合天徑之數鵬冠子及史記所言卽此象衡
星所在舊說從緯書謂是斗之第五星此不如薛
綜晉灼之注可據南斗之訓舊以爲北方星紀之
宿名此不如天元庥理謂是鶉火次之七星者義

爲允當蓋堯舜時星張易稱以南方七宿正中之

七星爲張亦名南斗

七星之象如斗因玉衡及北宿已有斗名故此別之曰七

星考工記謂鳥旗七旂象鶉火卽此

故鶉冠子曰前張後極卽史記

所謂衡殷南斗也晏子春秋曰南望南斗北戴極

星亦是此義故徐氏云南斗卽南方之七星象如

斗也

徐氏解衡殷南斗爲衡建南斗其說亦誤

蓋北斗一星至四星爲

魁四星至七星爲杓四星乃杓魁所共其左右

各三星不偏不倚而此獨居于正中故謂之衡自

衡視魁之首則枕參而建申自衡視杓之末則攜

角而建辰自第三星第五星合左右視衡則衡之

位殷張而建子此卽三合之義三正之法所從出

也魁建子中杓建申中三合之象辰爲得正故衡
星負戌而建辰爲天正卽大衍厯所謂北斗自乾
攜巽爲天綱也魁建辰中杓建子中三合之象申
爲得正故衡星在寅而建申爲地正卽易傳坤爲
地在西南之象也魁建參中杓建辰中三合之象
子得其正故衡星當午而建子爲人正卽斗拱北
辰之象參同契所謂子南午北互爲綱紀含元虛
危播精于子虎鈴經所謂衡正南北是也逸周書
曰天道尙左地道尙右人道尙中三統厯曰日合
天統月合地統斗合人統

此三句劉氏本於緯爾
書者見事詞類奇

雅曰殷中也書傳曰殷正也宋均曰殷當也卽是

此義蓋衡星之位正當南斗其所向則在虛凡在天之星無不拱向北辰而斗則尤著者也三正之象皆以衡爲主三合之象亦惟人得正周易參同契曰循斗而招搖兮執衡定元紀鶡冠子曰一來一往視衡低仰此卽古人重玉衡之義矣自漢儒誤解璣衡三正而古帝斗厯之法因以失傳經史內雖顯有明文或亦迷而不悟徐氏作天元厯理其解南斗三統可謂澄心獨造者而衡建之象三正之序又淆亂而未覩其真蓋通經之難也如是數

易曰乾元用九乃見天則

書曰在璿璣玉衡以齊七政

馬融注云七政者北斗七星各有所主第一主日法

天第二主月法地第三主日命火謂熒惑也第四主土謂填星也第五主日伐水謂辰星也第六主日危木謂歲星也第七主日罰金謂太白也日

月五星各異政故曰七政也

左傳曰有星孛入于北斗周内史叔服曰不出七年宋

齊晉之君皆將死亂

注云斗七星故云不出七年

素問曰九星懸朗七曜周旋

王冰注云上古世質人淳歸真反朴九星懸朗

五運齊宣中古道德稍衰標星藏曜故計星之見者七焉

鵬冠子曰前張後極左角右鉞九文循理以省官衆

星經曰玉衡謂斗九星也

劉向九歎曰訊九魁與六神王逸注云九魁謂北斗

九星也

史記曰北斗七星杓端有兩星一內爲矛招搖一外

爲盾天鋒

晉灼云外遠北斗也在招搖南一名元戈徐整長曆曰北斗七星間相去九千里

其二陰星不見者相去八千里宋史曰第八日彌星在第七星右不見第九日輔星在第六星左常見

鄭康成緯書注云玉衡三星

淇按玉衡三星卽斗之第四第五第六星也此三

星是斗柄之直者其平如衡故以衡爲稱考工記

鄭注云衡勺徑也義與此合其第四星乃衡之本

也天有四衡在庫樓者爲東衡

四星在角宿南

卽斗杓所

攜在參宿者爲西衡

參之中三星

卽斗魁所枕在南方

者爲鳥衡卽斗中所殷

七星之第四第五第六星也舊說以太微爲衡或以

注星爲衡非是

此三衡皆七曜軌道之所經斗之三綱實

臨莅之故史記稱爲天庭惟在北者謂之玉衡運

于天中佐璿璣以出治故七政皆于此受度焉玉衡三星者參天之義合杓魁以取象則斗以名所謂天以七紀中參成伍也并矛盾二星言之是爲九星所謂乾元用九天道以九制也既是九星而三統之建止用七星者一月三旬而合朔相去止二十九日有奇期三百六旬有六日除氣盈朔虛一年止三百五十四日有奇蓋氣化流行陰陽相錯天地自然之數皆有入用不入用之分不惟大衍之虛一也斗之九星因矛盾二星不符三統三合之象故不用且斗爲天綱義取生物故數用少陽所謂天不變道亦不變也徐氏九千里之說附

會不足憑

七星相去有遠有近

第八第九謂是陰星說亦可

信故王祿本之後代天星不符於古數者不惟北斗矣

再按道家謂天有五斗玉衡爲大魁中斗三星南斗六星北斗七星東斗五星西斗四星考之經傳惟六七二字倒置餘皆可信中斗三星卽鄭氏所謂玉衡三星也合左右言之是爲九星卽三三之義除矛盾二星則入用者七所謂天以七紀矣南斗七星卽鶉火之中宿北斗六星卽牽牛之前辰天元庥理謂南斗卽南宿之七星朱子詩傳解維北有斗亦謂在箕星之北者也東斗五星在天市

垣內惟西斗四星無可考然天庾天倉天囷天廩
皆西方星名豈有倉庾所在無斗斛者亦失其傳
耳

名

虞書

玉衡

曲禮

招搖

春秋

北斗已詳上

文

石氏星占曰北斗杓攜龍角衡殷南斗魁枕參首

見開

元占經中宮占史記之說出此

又石氏曰第一曰正星主陽德天子

之象也二曰法星主陰刑女主之位也三曰令星主

中禍四曰伐星主天理伐無道五曰殺星主中央助

四旁殺有罪六曰危星主天倉五穀七曰部星亦曰

應星主兵

見晉書天文志馬氏尙書注本于此石氏即戰國時魏之石申有星經星占厓五星

法此說未

詳何出

史記曰杓端有兩星一內爲矛招搖一外爲盾天鐸

漢書天文志鋒作蠡

斗爲文太室填星廟天子之星也

月令章句曰大撓探五行之精占斗剛所建

見後漢書補注

斗剛漢書厯志作斗綱

晉書曰軒轅紀三綱而闡書契

抱朴子遐覽篇古有步三罡六紀經

洪按步三罡六紀經卽隋書所云黃帝斗厯也晉

書謂軒轅紀三綱卽此蓋北斗九星其用以爲建

者曰綱餘六星爲紀故劉歆曰北斗者天之三辰

綱紀星也

岡剛綱古通用易緯云煌煌之曜乾爲之岡月令章句曰占斗剛所建卽漢志

之斗綱也隸楷網作四故說作罡又增作罡耳
廣韻曰剛俗作剛然則天罡三罡卽天綱三綱矣
自嬴秦以後三正三綱三統三合之法失傳于是
有三正記三統厯之偽說然而璣衡之訓如故蓋
璿璣者天之元化所以統攝萬象者也玉衡者天
之元宰所以綱紀萬象者也厯數卽天之三統三
綱所以正百官正萬民使皆及時興作無不各得
其所者也司馬子長作律厯天官三書班氏兄妹
傳律厯天文二志三正之說雖從後訓而斗綱人
正之象悉著于篇解璣衡厯數則全從古義是三
正之說雖亾觀于璣衡之運猶可考而得也及哀
平之世緯書日出竊取經師星厯及諸子數術之

言又撰附偽辭滙而成籍于是以武帝時洛下閎所作渾天謂是羲和之制璿璣玉衡皆儀器之名北斗七星亦有璣衡之目故考靈曜曰觀玉儀之游以命中星璿璣未中而星中爲急璿璣中而星未中爲舒文曜鉤曰唐堯卽位羲和立渾儀又曰玉衡屬杓魁爲璿璣運斗樞曰北斗七星第一天樞第二璿第三璣第四權第五玉衡第六開陽第七瑤光第一至第四爲魁第五至第七爲杓合爲斗卽附會書傳史記之文而爲說者也然書傳解璿璣爲旋機未嘗說是儀器史記璿璣字乃帶補上文天極之義未嘗謂斗名璇璣緯書恐大拂經